

180.

Konrad (IV.) Gall naznani, da je zamenjal z Volfartom, župnikom v Škocjanu pri Turjaku, in tamkajšnjo župnijsko cerkvijo 2 snopa (fevdne) desetine od šestih hub v navedenih vaseh za neko drugo posest.

1370 oktober 7.

Orig. perg. (177 × 144 + 18 mm) v GAFA, predal 4 (A). — Prepis iz 18. stol. v GAFA, predal 23 (B).

Reg.: Komatar, Schloßarchiv, str. 100, št. 185, po A, z datumom 10. (!) oktober.

Ich Chünrad der Gall vergich offenleichen an disem prief fur mich vnd für all mein erben vnd tün chunt allen^{oooooo} den, di in sehent oder hörent lesen, daz ich mit woluerdachtem mǖt vnd mit aller meiner erben vnd vreunt rat vnd gunst willichleichen vnd gern gefreyt han den zehenten, der gelegen ist tzum Staynperch, ze Neusazzen, ze Vrezzaw, ze Gaberyach vnd tzū dem hoff pey Weÿxelberch gelegen von sechs hüben, der tzwo garben von mır ze lehen gewesen sint, also daz ewichleichen von mır vnd von mein erben ledig vnd vreÿ sein sol, herrn Wolfarten pharer ze Sand Canczian gelegen peÿ Awersperch vnd der phar chırchen da selb vnd allen sein nachchomen. Darumb hat er mır geben ayn gūt, des ich gantz vnd gar von im gericht vnd gewert pin vnd ich han sew gerüchleichen vnd vnuersprochenleichen darauf gesatz vnd nutz vnd auf gewer mit aller stāt. Darumb verczzeich ich mich mit disem prief, daz ich noch mein erben fürpaz chayn ansprach noch vordrung tzū der egenanten manschafft noch lehenschaft nicht mer haben schüllen. Auch sol ich sew dar auf schermen vnd vertreten vnd verantuorten vor menichleich vor aller ansprach nach landes recht. Vnd w(e)rden sew auer mit pezzeren rechten dauon gelten, den ich in darauf geben han, welhen schaden sew das nām, den ir ayns peÿ sein trewen sait, den schüllen wır in genczleich gelten an alle widerred. Vnd daz schüllen sew haben auf mır vnd auf mein erben vnuerschidleichen vnd auf allen dem vnd ich han oder noch gewinn. Vnd wolt ich sew nicht genczleich weren erchens vnd schadens, so sol sew der hauptman in Chrayn weren von aller meiner hab mit mein gūten willen. Mit vrchund diczs prief mit mein anhangendem insigel versigelt, der geben ist nach Christs gebūrd dreuzehen hundert jar, dar nach in dem sibenczichstem jar, des nāsten montag vor sand Dyonisen tag.

Od obešenega pečata se je ohranil samo pergamentni trak.

^{oooooo}) ponovno allen.